

AZIL



PRAVNI OKVIR

Pravni okvir je u velikoj mjeri usklađen sa standardima Evropske Unije. Zakon o azilu i Zakon o strancima, usvojeni 2015. odnosno 2016. godine, u najvećem dijelu su preuzeli odredbe relevantnih direktiva EU. Ipak, odredba koja navodi SORI kao specifičnost određene društvene grupe te kao osnovu progona i traženja azila je izostavljena. Istospolne zajednice također nisu prepoznate kao osnova za dobijanje privremenog boravka u BiH niti ih zakon prepoznaje u odredbama koje se odnose na spajanje porodice.



DRUŠTVENA STVARNOST

Iako je prema propisima mnogih EU država Bosna i Hercegovina označena kao sigurna treća država porijekla, LGBTI osobe iz BiH se i dalje odlučuju na odlazak iz BiH i traženje zaštite od progona zbog svoje seksualne orijentacije i rodnog identiteta u države EU i Sjeverne Amerike. LGBTI osobe iz BiH na traženje azila odlučuju se zbog psihičkih poteškoća, psihičkog i fizičkog nasilja, diskriminacije pri zapošljavanju i odbacivanja društva koje trpe zbog svoje seksualne orijentacije ili rodnog identiteta.

DOKUMENTOVANI SLUČAJEVI

Tokom 2019. godine Sarajevski otvoreni centar je zaprimio osam upita od LGBTI osoba o mogućnostima dobijanja azila za sebe i/ili svoje partnere u zemljama EU ili SAD-a/Kanade. Također, SOC je zabilježio i dva slučaja gdje su LGBTI osobe iz BiH napustile državu i dobile azil u Njemačkoj, odnosno u Sjedinjenim Američkim Državama.

Slučaj gej mladića iz Pakistana koji je kao izbjeglica došao tokom 2019. godine u BiH pokazao je sve izazove sa kojima se LGBTI osobe u BiH suočavaju. On je u oktobru 2019. podnio zahtjev za dobijanjem azila, a do momenta izdavanja ovog izvještaja, procedura još uvijek nije okončana.